



Broj: 02-11-4-1966-1/25
Goražde, 30.06.2025.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br. 39/14, 59/22 i 50/24) u postupku javne nabavke roba – **klupa za sjedenje planiranih Programom uređenja Grada Goražda i prigradskih naselja za 2025. godinu**, u postupku Konkurentskog zahtjeva za dostavljanje ponuda, Gradonačelnik Grada Goražda donosi:

O D L U K U
o izboru najpovoljnijeg ponuđača

I

Prihvata se preporuka Komisije za provođenje postupka javne nabavke roba - klupa za sjedenje planiranih Programom uređenja Grada Goražda i prigradskih naselja za 2025. godinu, te se ugovor o nabavci, isporuci i montaži klupa za sjedenje planiranih Programom uređenja Grada Goražda i prigradskih naselja za 2025. godinu dodjeljuje ponuđaču „Babel” d.o.o. Sarajevo, sa ponuđenom cijenom ponude u iznosu od 5.900,00 KM, bez uračunatog PDV-a.

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke.

III

Nakon pravosnažnosti ove Odluke, Grad Goražde će pozvati ponuđača „Babel” d.o.o. Sarajevo radi zaključenja ugovora kojim će regulisati međusobna prava i obaveze vezane za predmetnu nabavku, shodno uslovima Ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Dana 26.05.2025. godine Gradonačelnik Grada Goražda donio je Posebnu Odluku o pokretanju postupka javne nabavke roba - klupa za sjedenje planiranih Programom uređenja Grada Goražda i prigradskih naselja za 2025. godinu broj 02-11-4-905-4/25, u postupku Konkurentskog zahtjeva za dostavljanje ponuda.

Na osnovu navedene Odluke, dana 02.06.2025. godine objavljeno je Obavještenje o nabavci broj 413-7-1-24-3-45/25 na portalu javnih nabavki, a sažetak navedenog Obavještenja o nabavci objavljen je u „Službenom glasniku BiH” broj 34/25.

Tenderska dokumentacija za ovu nabavku je također objavljena na portalu javnih nabavki i istu je preuzelo 15 ponuđača.

Kao krajni rok za dostavljanje ponuda u ovom postupku nabavke je određen 13.06.2025. godine do 11:00 sati.

Na osnovu pomenutog Obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 13.06.2025. godine.

Komisija za provođenje procedure javne nabavke imenovana posebnim Rješenjem Gradonačelnika broj 02-11-4-1966-1/25 od 09.06.2025. godine sačinila je Zapisnik o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za javnu nabavku roba-klupa za sjedenje planiranih Programom uređenja Grada Goražda i prigradskih naselja za 2025. godinu dostavljene ponuda od strane ponuđača „Babel“ d.o.o. Sarajevo sa ponuđenom cijenom u iznosu od 7.200,00 KM, bez PDV-a, „Flex Invest“ d.o.o. Sarajevo sa ponuđenom cijenom u iznosu od 7.200,00 KM, bez PDV-a i ponuda ponuđača „Glovis“ d.o.o. Zenica sa ponuđenom cijenom u iznosu od 7.120,00 KM, bez PDV-a.
- da dostavljene ponude navedenih ponuđača ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, kao i tehničke i profesionalne sposobnosti ponuđača koji su za ovu nabavku postavljeni tenderskom dokumentacijom
- obzirom da je Tenderskom dokumentacijom predviđeno održavanje e-aukcije to je ista zakazana i održana dana 27.06.2025., nakon koje je, u skladu sa Izvještajem o toku i završetku e-aukcije ponuda ponuđača „Babel“ d.o.o. Sarajevo sa cijenom ponude u iznosu od 5.900,00 KM, bez PDV-a, prema kriteriju „najniža cijena“ ocjenjena kao prihvatljiva i najpovoljnija za Ugovorni organ.

Komisija za provođenje postupka javne nabavke roba - klupa za sjedenje planiranih Programom uređenja Grada Goražda i prigradskih naselja za 2025. godinu predložila je Gradonačelniku Grada Goražda donošenje Odluke o prihvatanju ponude ponuđača „Babel“ d.o.o. Sarajevo za nabavku roba – klupa za sjedenje, budući da je ponuda navedenog ponuđača na osnovu provedene procedure, ocjenjena kao prihvatljiva i najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje Uredu za razmatranje žalbi BiH, putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka, uz priloženi dokaz o plaćenju naknadi za pokretanje žalbenog postupka.

DOSTAVITI:

1. Ponuđačima
2. Web stranica Ugovornog organa
3. u spis
4. a/a

